

## خاطرة رثاء.. من شقيق الشهيد محمد الديب



الخميس 29 أغسطس 2013 05:03 ص

وعادى الضحكه من غيرك !!  
و برضو النومه ف سريرك !!  
و تفتيشى ف درج النيش !!  
و يعنى خلاص مغيث بشويش  
عشان نايم متزعجوهوش !!  
بقيت محبوس فكام برواز !!  
و متحجّر عليك بإزاز !!  
يا رحلة عمر مرسومه فعلقه موت عشان واجب ..  
تصرف برضو مش عاجب يا أخ كبير ..  
يا شباب أمير و ابن حلال  
فعز الغيظ طويل البال  
فاكر تريقتى على رسمك !!  
فاكر بسمك ف موقف عايز التكشير !!  
خلاص يا كبير خدوك منى !!  
هتفضل برضو ف الننى  
فنقطه دمعه بتغرغر  
ف دنيا كبيره راح تصغر  
عشان غايب يا ناس عنها أفولك برضو على حاجه !!

أنا عايشه عشان حاجه هأديها.. و أجملك جري بعديها

سلام يا كبير

